



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LXXXIV. De impressione, vel venditione Breviarii FF. Minorum de
Observantia.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

LXXXIV.

Prohibetur, ne quis imprimat, vel vendat sine facultate Ministri Gen. Breviarium Ord. Minorum S. Francisci de Observ.

Const. ed. 1698. Nov. 10. P. 8. agitur de usu librorum Divini Officii Romæ impressorum.

Dat. 21. Nov. 1696. An. 6.

INNOCENTIUS PAPA XII.

Ad perpetuam rei memoriam.

Causæ Prohibitionis.

CUM sicut dilectus Filius Bonaventura Pœrius Minister Generalis Ordinis Fratrum Minorum Sancti Francisci de Observantia nuncupatorum Nobis nuper exponi fecit, ipsi Breviarium Romanum, *Seraphicum* nuncupatum ad usum personarum utriusque sexus ejus obedientiæ, seu directioni subiectarum a Congregatione Venerabilium Fratrum Nostrorum S. R. E. Cardinalium Sacris Ritibus præposita approbata in Alma Urbe Nostra ea, qua decet sedulitate, & castigatione typis imprimi novissime fecerit, ac proinde illud propediem, benedicente Domino, quam emendatissimum in lucem proditurum sit: dictus vero Bonaventura Minister Generalis vereatur, ne opus longo labore, magnaque industria dispositum, atque perfectum novarum editionum occasione optato sine frustretur, mendosæque, aut illegitimæ varietates sive Typographorum negligentia, sive Revisorum incuria, sive alia ex causa in posterum obrepant. Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignemur. Nos igitur ipsam Bonaventuram Ministrum Generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censes, hujusmodi supplicationibus inclinati, universis utriusque sexus Christianidelibus, præsertim vero Typographis, Librorum Impressoribus, & Bibliopolis ubilibet existentibus, sub excommunicationis latæ sententiæ, in Nostra vero temporali ditone commorantibus, etiam sub quingentorum ducatorum auri de Camera, ac amissionis Typorum, & librorum omnium Cameræ Nostræ Apostolicæ irremissibiliter applicatum pœnis per contrasacientes eo ipso absque alia declaratione incurrendis, Apostolica auctoritate, tenore præsentium interdicimus, & prohibemus, ne Breviarium præfatum ad usum omnium, & singulorum utriusque sexus personarum prædictæ obedientiæ, seu directioni subiectarum, ubicumque locorum degentium sicut præmittitur, approbatum, posthac in perpetuum absque speciali ejusdem Bonaventuræ, & pro tempore existentis dicti Ordinis Ministri Generalis, aut ab eo causam habentium licentia in scriptis qualibet vice obtinenda, & in ipso Breviario integre una cum eisdem præsentibus imprimenda typis imprimere, aut ab aliis in posterum vendere, seu venale habere, vel proponere quoquomodo audeant, seu præsumant, & nihilominus personæ illæ ex supradictis quibus in vim Decreti, seu Decretorum memoratæ Congregationis Cardinalium alio Breviario uti minime fas est, Breviarii sine prædicta licentia impressis, aut vulgatis ut nequeant sub pœnis contentis in Ordinis prædicti Constitutionibus, aliisque per dictum Bonaventuram, & pro tempore existentem Ministrum Generalem super hoc infligendis. Mandantes propterea Venerabilibus Fratribus Patriarchis,

Preces Ministri Gen.

Prohibitio præd. sub excommunicatione, aliisque pœnis.

Præcipitur dd. Religiosis, ne utantur Breviario sine licentia impresso.

Mandatur locorum Or-

Archiepiscopis, & Episcopis, ac quibuscumque Locorum Ordinariis, necnon in Statu Nostrò Ecclesiastico dilectis Filiis Nostris, & Apostolicæ Sedis de Latere Legatis, seu eorum Vicelegatis, aut Præsidentibus, Gubernatoribus, Prætoribus, aliisque Justitiæ Ministris Provinciarum, Civitatum, Terrarum, & Locorum Status prædicti quatenus eidem Bonaventuræ, & pro tempore existenti Ministro Generali, seu ab eo causam habentibus prædictis in præmissis, efficacis defensionis præsidio assistentes quancumque ab ipso Bonaventura, & pro tempore existentis Ordinis hujusmodi Ministro Generali requisiti fuerint, pœnas prædictas contra quoscumque inobedientes irremissibiliter exequantur.

dinaris, & justitiæ Ministris, ut pœnas infligant.

§. 1. Non obstantibus Constitutionibus, & Ordinationibus Apostolicis, ac quibusvis etiam Juramento, confirmatione Apostolica, vel quavis firmitate alia roboratis, Statutis, & consuetudinibus, privilegiis quoque, Indultis, & Litteris Apostolicis in contrarium præmissorum quomodolibet concessis, confirmatis, & innovatis, cæterisque contrariis quibuscumque.

Clausula.

§. 2. Volumus autem, ut præsentium transcriptis, seu exemplis, etiam in eodem Breviario impressis, manu alicujus Notarii publici subscriptis, & sigillo alicujus personæ in Ecclesiastica dignitate constitutæ munitis, eadem fides ubique Locorum habeatur, quæ ipsis præsentibus haberetur, si forent exhibitæ, vel offensa.

Datum Romæ apud S. Mariam Majorem sub Annulo Piscat. die XXI. Novembris MDCXCVI. Pontificatus Nostrî Anno Sexto.

Declaratur in Constitutione Inn. XI. circa privilegia, & Indulgentias Ordinis Min. S. Francisci de Observ. comprehendi eorumdem Loca Viæ Crucis, seu Calvarii.

LXXXV.

Præd. Const. hic refertur, & ed. fuit 1686. Sep. 5. P. 10. Ab hoc Pontifice concessa fuit Indulg. plen. perp. Ecclesie S. M. Angelorum Civitatis Assisen. ed. 1695. Aug. 18. P. 5. Et a Clem. XI. alia Indulgentia conceditur Ecclesiis Provin. Romana Constit. ed. 1701. Sept. 14. P. 1. Ab Innoc. vero XIII. Const. ed. 1723. Jul. 12. P. 3. confirmantur quadam gratia Provincia Polonia.

INNOCENTIUS PAPA XII.

Ad futuram rei memoriam.

Alias a fel. rec. Innocentio Papa XI. prædecessore Nostrò ad preces dilecti Filii Francisci Diaz a Sancto Bonaventura tunc Commissarii Generalis Curie pro familia Ultramontana Ordinis Fratrum Minorum S. Francisci de Observantia nuncupatorum super confirmatione quarundam Litterarum Apostolicarum eidem Ordini, ejusque Ecclesiis, Confraternitatibus, Domibus, locis, ac omnibus, & singulis utriusque sexus personis obedientiæ, seu directioni Ministri Generalis Ordinis hujusmodi subiectis circa privilegiorum, Indulgentiarum, & gratiarum concessionem, & communicationem, respective concessarum, emanarum Litterarum in simili forma Brevis, tenoris, qui sequitur videlicet.

Dat. 5. Dec. 1696. An. 6.

§. 1. *INNOCENTIUS PAPA XI. Ad futuram rei memoriam.* Exponi Nobis nuper fecit dilectus Filius Franciscus Diaz a S. Bonaventura Charissimi in Christo Filii Nostrî Caroli Hispaniarum Regis Catholici Concionator, & Theologus, ac in Romana Curia pro Ultramontana Familia Ministro Generali Ordinis Fratrum Minorum S. Francisci de Observantia nuncupatorum subiecta Commissarius Generalis, quod privilegia, gratiæ, concessionem, favores, & Indul-

Constitutio Inn. XI. qua confirmata fuit Litteræ Clem. VIII. Pauli V. Urb. VIII. & Successorum circa Privilegia, & Indulgentias.

gentiæ,